

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona, broj: 7/10), a u skladu sa Programom utroška budžetskih sredstava u 2014. godini, usvojenim Zaključkom Vlade Zeničko-dobojskog kantona, broj: 02-14-3234/14 od 12.02.2014. godine, Vlada Zeničko-dobojskog kantona, na 150. sjednici, održanoj 20.02.2014. godine, d o n o s i

ZAKLJUČAK

I.

Usvaja se Uputstvo o postupku i kriterijima za odobravanje i dodjelu (refundaciju) sredstava poticaja namijenjenih za regresiranje kamata na investicijske kredite, koje čini sastavni dio ovog Zaključka.

II.

Za realizaciju podsticaja iz tačke I. zadužuje se Ministarstvo za privredu, koje će donijeti sve provedbene akte i imenovati Komisiju za provođenje propisanog postupka.

III.

Zaključak stupa na snagu danom donošenja.

Broj: 02-_____ /14.

Datum, 20.02.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za privredu,

1x Ministarstvo finansija,

1x a/a.



UPUTSTVO
O POSTUPKU I KRITERIJIMA
ZA ODOBRAVANJE I DODJELU (REFUNDIRANJE) SREDSTAVA POTICAJA
NAMIJENJENIH REGRESIRANJU KAMATA NA INVESTICIJSKE KREDITE

Zenica, februar 2014. godine

1. IZVORI I NAMJENA POTICAJNIH SREDSTAVA – REGRESA

Sredstva za regresiranje kamata obezbjeđuju se iz Budžeta Zeničko - dobojskog kantona, planiraju Programom utroška sredstava u Ministarstvu za privredu, za tekuću godinu u kojoj se vrši dodjela poticaja i refundacija.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi Javnog poziva za dodjelu poticajnih sredstava i na oficijelnoj web stranici Kantona.

U cilju intenziviranja investicija u oblasti proizvodnih djelatnosti, a samim tim zapošljavanja i razvoja, Vlada Kantona će, radi rasterećenja i podrške investitoru u početnim fazama realizacije investicija, regresirati dio uplaćenih kamata na odobrene investicijske kredite privrednim subjektima registriranim u Zeničko – dobojskom kantonu, ukoliko svoju investiciju realiziraju u Zeničko - dobojskom kantonu na temelju kredita odobrenog od strane bilo koje od komercijalnih banaka registriranih u Bosni i Hercegovini.

Regresiranje kamata se neće odobriti za kredite ili dio kredita koji su namijenjeni reprogramiranju drugih kredita.

2. INVESTICIJE I KORISNIK SREDSTAVA

Pod proizvodnom investicijom, u duhu ovih kriterija, podrazumjeva se isključivo:

- kupovina, izgradnja, uređenje i proširenje objekata za obavljanje registrovane proizvodne djelatnosti iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti),
- kupovina sredstava za rad, opreme ili pojedinih dijelova opreme, kojom se obezbjeđuju uslovi za obavljanje registrovane proizvodne djelatnosti iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti),
- obezbjeđenje osnovnih sredstava, za obavljanje registrovane proizvodne djelatnosti iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti), realizacijom lizing aranžmana.

Lizing aranžman, u duhu ovog poticaja, je obezbjeđenje osnovnih sredstava rada, definiran ugovorom o lizingu, **nakon 01.01.2004. godine**, a koji se **okonča u tekućoj 2014. godini**.

Pravo na regresiranje kamata imaju privredni subjekti koji su potpisali investicijski ugovor nakon **01.01.2012.** godine i ispunjavaju uslove prema kriterijima ovog poticaja.

Pravo na korištenje sredstava poticaja imaju isključivo privredni subjekti registrirani u Zeničko - dobojskom kantonu, ukoliko svoju investiciju realiziraju u Zeničko - dobojskom kantonu na temelju kredita odobrenog od strane bilo koje komercijalne banke registrirane u Bosni i Hercegovini, ukoliko je najniži odobreni iznos tog kredita **50.000,00 KM**.

Pravo na regresiranje kamata imaju i privredni subjekti za koje je Vlada Zeničko –dobojskog kantona donijela Odluke o regresiranja dijela kamata na investicijske kredite **do 31.12.2013.** godine a koji su ispunjavali uslove propisane Postupcima i kriterijima za odobravanje i dodjelu (refundiranje) sredstava poticaja namjenjenih regresiranju kamata na investicijske kredite koji su važili u godini donošenja Odluke kao i uslove iz tačke 7. oviog Uputstva, te koji su svoj zahtjev za refundaciju podnijeli u roku od tri godine od dana donošenja prve Odluke Vlade Kantona o odobravanju regresiranja kamata.

Pravo na regresiranje kamata imaju i privredni subjekti koje je Komisija za regresiranje kamata obradila u 2013. godini, a koji su ispunjavali uslove propisane Postupcima i kriterijima za odobravanje i dodjelu (refundiranje) sredstava poticaja namjenjenih regresiranju kamata na investicijske kredite koji su važili u toj godini.

Pod privrednim subjektima podrazumijevaju se privredna društva i subjekti iz obrtničkih djelatnosti, koji su bave proizvodnom djelatnošću iz područja D (ili C po novom) – Prerađivačka industrija i područja A- Poljoprivreda, lov i šumarstvo (podpodručje 01.2- Uzgoj životinja) (Standardna klasifikacija djelatnosti).

Jedno pravno ili fizičko lice ne može biti korisnik više od jednog poticaja u tekućoj budžetskoj godini.

3. IZNOS POTICAJNIH SREDSTAVA

Vlada Kantona preuzima finansiranje dijela uplaćenih kamata u iznosu koji će nominalno iznositi **najviše do 30.000,00 KM** po godini, te najduže u periodu od prve tri godine realizacije kredita – investicije, čime će maksimalni iznos sredstava odobren po jednom korisniku biti 90.000,00 KM.

Sredstva poticaja će se odobravati za investicijske kredite čija je **kamata 6 i više procenata**. Onovu za izračunavanje i dodjelu (refundaciju) sredstava poticaja namjenjenih regresiranju kamata na investicijske kredite čini ukupan iznos sredstava koja je Investitor uložio za realizaciju investicije putem komercijalne banke, te za koju obezbjedi nedvosmislenu dokumentaciju iz koje se može zaključiti da su iskorištena isključivo za realizaciju investicijskih aktivnosti prema tački 2. ovog Uputstva.

Pri utvrđivanju iznosa godišnjeg poticaja primjenit će se stopa visine **3%** od predhodno i nedvosmisleno utvrđenog utroška (investicije).

Jednokratna sredstva poticaja će se odobriti za lizing aranžmane poslije potpune realizacije lizing ugovora, uz uredan dokaz, te kriterije koji se odnose na investicijske kredite kumulativno.

Investitor gubi pravo korištenja poticaja u drugoj i trećoj godini, u slučaju da Komisija utvrdi bilo kakav vid otuđenja sredstava obezbjedenih u postupku realizacije investicije.

4. ZAHTJEV ZA ODOBRAVANJE POTICAJNIH SREDSTAVA

Uredan Zahtjev za odobravanje poticajnih sredstava – regresa investitor dostavlja Ministarstvu za privredu. U razmatranje će se uzeti samo zahtjevi podneseni do kraja novembra tekuće godine.

Uz Zahtjev investitor dostavlja original ili ovjerenu kopiju:

- Odluke o odobravanju kredita komercijalne banke,
- Odobrenja za obavljanje djelatnosti ili odgovarajući akt nadležnog inspekcijskog organa,
- Dokumenta iz kojih se nedvosmisleno može zaključiti da se kreditna sredstva koriste za investiranje prema tački 2. ovog Uputstva,
- Upotrebne dozvole za kupljena sredstva rada i / ili izgrađeni objekat, izdate od nadležnog organa,
- Uvjerenja o uredno izmirenim indirektnim porezima - ne starija od 60 dana od dana podnošenja zahtijeva,
- Uvjerenja o uredno izmirenim javnim prihodima, ne starija od 60 dana od dana podnošenja zahtijeva,
- U slučaju realizacije lizing aranžmana Investitor je dužan dostaviti dokaz o preuzimanju sredstava i konačnoj realizaciji lizing aranžmana,
- Original ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona.

5. KOMISIJSKA OCJENA

Komisiju za ocjenu ispunjenja uvjeta i kriterija za dodjelu sredstava imenuje i razrješava ministar Ministarstvu za privredu. Za svoj rad ova komisija odgovara ministru Ministarstva za privredu.

Komisija razmatra Zahtjeve investitora poštujući hronologiju prijema istih na protokolu Ministarstva, odnosno Vlade Zeničko – dobojskog kantona, te cijeni ispunjenost uvjeta i kriterija za odobravanje sredstava – regresa.

Izveštaj o ocjeni i mišljenje, Komisija dostavlja ministru Ministarstva za privredu.

U slučaju da Komisija ocjeni da nisu ispunjeni svi uslovi za odobravanje sredstava – regresa, Ministarstvo za privredu, kod neispunjenja uvjeta i kriterija, donosi Obavijest, koju prosljeđuje podnosiocu zahtijeva.

6. ODOBRAVANJE SREDSTAVA – REGRESA

Na osnovu Izveštaja o ocjeni i mišljenja Komisije, Ministarstvo za privredu predlaže Vladi Kantona donošenje Odluke o odobravanju poticajnih sredstava – regresa. Pojedinačne odluke Vlada donosi shodno raspoloživim sredstvima za tekuću godinu a prednost u odobravanju sredstava poticaja ima

onaj korisnik koji je ranije podnio zahtjev za koji je utvrđeno da ispunjava uvjete i zadovoljava kriterije dodjele.

Ukoliko se prije isteka budžetske godine utvrdi da raspoloživa budžetska sredstva nisu dovoljna, dio zahtjeva se, po prethodnom očitovanju korisnika, može prenijeti u narednu godinu i u tom slučaju rješava se u skladu sa mogućnostima i kriterijima koji budu usvojeni i važeći za tu godinu.

Na početku svake godine Vlada Kantona, svojim izjašnjavanjem o Programu utroška sredstava u Ministarstvu za privredu, odlučuje o nastavku dodjele ranije odobrenih poticaja, pojedinačno za svakog investitora, shodno projekciji budžetskih rashoda za tekuću godinu. Vlada može, ovisno o raspoloživosti budžetskih sredstava i naknadno podići ali i smanjiti ukupnu visinu godišnje izdvojenih sredstava za poticaje ili sasvim opozvati usvojene odluke o poticajima.

7. ODOBRAVANJE REFUNDACIJE SREDSTAVA – REGRESA

Nakon uplate rata i kamata za odobreni kredit, investitor podnosi Zahtjev za refundaciju dijela kamata, odnosno isplatu sredstava – regresa Ministarstvu za privredu. Zahtjev može podnijeti kvartalno, polugodišnje, godišnje, nakon isteka 18, 24, 30, mjeseci, ali najduže tri godine, od dana donošenja prve Odluke o regresiranju kamata.

Uz Zahtjev za refundaciju dijela kamata investitor dostavlja original ili ovjerenu kopiju:

- Uplatnice (ili drugog validnog dokaza o uplati) kamata i rata kredita prema Planu otplate.
- Uvjerenja o uredno izmirenim indirektnim porezima - ne starija od 60 dana od dana podnošenja zahtijeva.
- Uvjerenja o uredno izmirenim javnim prihodima, ne starija od 60 dana od dana podnošenja zahtijeva,
- Original ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona.

Na osnovu uredno podnesenog Zahtjeva investitora, Ministarstvo za privredu podnosi Nalog za isplatu sredstava – regresa Ministarstvu finansija.

8. VAŽEĆI AKTI, KRITERIJI I POSTUPCI

Svi zahtjevi privrednih subjekata koji budu aplicirali ove godine bit će tretirani u duhu ovog Uputstva o postupku i kriterijima za odobravanje i dodjelu finansijskih sredstava namijenjenih regresiranju kamata na investicijske kredite.

Na privredne subjekte koji su to pravo ostvarili do 31.12.2013. godine primjenjivat će se samo odredbe tačke 2. stav 5. i tačke 7. ovog Postupka i kriterija i bit će tretirani u duhu Postupka i kriterija koji su važili u momentu donošenja prve Odluke Vlade Zeničko – dobojskog kantona o regresiranju kamata za tog privrednog subjekta.